
EKKEWE NONGONO- NGEN ACHIFOUA

REN EWE MWICHEFENIN JISES KRAIST REN ARAMAS MI PIN NON FANSOUN SOPONON

*S*IA NUKU NON KOT, ewe Sam Esemuch, me Noun We, Jises Kraist, me ewe Ngun mi Fen.

2 Sia nuku pwe aramas repwe pwisin tipisini tipisir ren ar tipis, nge esapw ren an Adam we anea sonap.

3 Sia nuku pwe seni ewe Achasefanin Kraist, aramas meinisin repwe kuna manau, ren ar aneasochisi ekkewe annuk me angangepin an ewe Kapas Allim.

4 Sia nuku pwe ewe aewin nongonong me angangepin an ewe Kapas Allim: ewin, Nuku non ewe Samon Jises Kraist; oruan, Aier; eunungatin, Papatais ren mono non konik ren omusomusen tipis; eruanun, Ewe nifangen Ngun mi Fen seni iseta paw won mokur.

5 Sia nuku pwe aramas repwe koko seni Kot, seni osini, me seni ewe iseta paw won mokur seni ekkewe mi wor ar mumuta, pwe repwe afanafana ewe Kapas Allim me anganga angangepin.

6 Sia nuku non ewe pwan chok tetten a fis non ewe Wesewesen Mwichefen, ren, aposel, soufos, chon masen siip, sense, chon afanafan, me sotosopono.

7 Sia nuku non ekkewe nifangen kapas, osini, pwarata, nepasepwi, echikar, awewei kapas, me sotosopono.

8 Sia nuku ewe Paipen pwe ina ewe kapasen Kot ika pwe ewe awewen mei pung; sia pwan nuku ewe Puken Mormon pwe kapasen Kot.

9 Sia nuku mettoch meinisin Kot a pwarano, mettoch meinisin I a pwarano iei, me sia nuku pwe I epwe pwan pwarano chommong mettoch mi amwarar me auchea fan asengessin ewe Muun Kot.

10 Sia nuku non ewe ennetin chusefanin Israel me non niwin sefanin ekkewe Engon Einang; pwe Zion (ewe Minafon Jerusalem) epwe foruta non ewe eif Merika; pwe Kraist epwe pwisin nemenem won ewe fonufan; me, ewe fonufan epwe sofo sefan me angei an ningen paratais.

11 Sia etywa ewe tufichin fen ngeni ewe Kot Napanap anongonong won emmwenin ach nuku, me mut ngeni aramas meinisin ewe pwan chok tufich, mut ngeni ir repwe fen ngeni non napanapan, ian, are met ra mochen.

12 Sia nuku non ach sipwe nom fan nemenemen ekkewe king, preseten, sou emmwen, me ekkewe samon, ren aneasochis, sufon, me aponueta ekkewe annuk.

13 Sia nuku non ach sipwe wenechar, ennet, nimenimoch, kirekiroch; nimenimoch seni nisou, me non ach fofforoch ngeni aramas meinisin; ennetin, sia tongeni apasa pwe sia tapweno mwirin ewe ourour an Paul—Sia nuku mettoch meinisin, sia aneanei mettoch meinisin, sia fen engino ngeni chommong mettoch, me aneanei pwe sipwe tongeni engino ngeni mettoch meinisin. Ika pwe epwe wor och mettoch mi nimenimoch seni nisou, murino, are och mettochun porousoch are mwar, sia tapweno mwirin ekkei mettoch.

JOSEPH SMITH.

EWE MWICHEFENIN
JISES KRAIST
REN ARAMAS MI PIN NON
FANSOUN SOPONON

CHUUKESSE

